

ՀՈՒՇԵՐ

Հայաստանի Գրողների միության երկրորդ համագումարին նախապատրաստվում են առանձնահատուկ տպգնապախառն աշխուժությամբ ու եռանդով. նշանակված զեկուցումները գրվում ու փոփոխվում են Խորհրդային Միության Կոմկուսի Կենտկոմի՝ օգոստոսին կայացրած որոշման համաձայն: Թերթերում տպագրված Անդրեյ Շդանովի զեկուցումը Լենինգրադի կուսկազմակերպության ակտիվի նիստում՝ «Զվեզդա» և «Լենինգրադ» ամսագրերի մասին, ձեռքից ձեռք էն անցնում: Շդանովը անողոր քննադատության է ենթարկում այն գրողներին, որոնք «խորհրդային գրականությունը քաշում են դեպի գաղափարագրկության, անսկզբունքայնության, ճևապաշտության, բուրժուական փտած, անկումային կուլտուրայի առջև ստորաբարշտություն անողների ճահիճը»: Որպես «փտած, անկումային» գրականության ամենաաչքի ընկնող ներկայացուցիչների՝ նա ոչնչացնող կրակի տակ է առնում Աննա Արմատովային ու Ջոչչենկոյին: «Խորհրդային գրականությունն ու արվեստը, շեշտում է Շդանովը, աշխարհում ամենաառաջատարն են և իրավունք ունեն կոմունիստական բարոյականություն ուսուցանել ուրիշ ժողովուրդներին...»: Կարդում ես ու դժվար է ասել՝ ինչ զգացում է համակում քեզ: Թերևս ամենից շատ ահաբեկության, վտանգի. մեզ սոտ՝ Հայաստանում, ևս կջանան մեր զոչչենկոներն ու ախմատովաները հայտնաբերել:

«Թնտուրիստ» հյուրանոցը լցվում է Մոսկվայից, միութենական հանրապետություններից ու սփյուռքից ժամանող հյուրերով:

Մարիա Պետրովիխը համարյա դուրս չի գնում մեր համարից: Ժամերով իրար ետևից ծխում է ու հուզված, այլալված քայլում սենյակում: Այդ անիծված Եվգենովն անպայման ելույթ կունենա «Արա Գեղեցիկի» դեմ ու կտապալի թարգմանության գործը: Խցկել են նրան «Մովետսկի պիսատել»... Իրենց մարդն է, չէ՞: Մի խելքը գլխին քննադատ էլ լիներ... Գուցե պետք է Մերգեյ Բորոդինին զգուշացնել, որ պատրաստվի Եվգենովին հակահարված տալու: Եթե չհամաձայնի, թող մեկ ուրիշը՝ համարձակ, հեղինակություն վայելող գրողներից կամ գրաքննադատներից: Բայց ո՞վ, ո՞վ: Նաիրին ինչո՞ւ է ձեռքերը ծալած նստել, չի՞ հասկանում՝ գլխին ինչ պատուհաս կարող են բերել: Ա՛յ, Վերան էլ է ասում՝ Նաիրուն կխփեն:

- Մարիա՛, թանկագինս, այդպես մի՛ տանջիր քեզ, ինչ լինելու է, կլինի, կանխել չես կարող,- Պետրովիխի տազնապներից ինքն էլ ակամա

լարված՝ փորձում է նրան՝ հանգստացնել Նաիրին: - Արի՛ քեզ համար տուրճ ելիենք, կխմե՞ս:

- Սո՛ւք...- Պետքովիդ ցրված, մշուշոտ հայացքով նայում է մեկ ինձ, մեկ Նաիրուն ու նոր ծխախոտ վառելով՝ հառաչում է,- ա՛խ, որքա՛ն անգոր ենք մենք, որքա՛ն անգոր:

Գրողների միության համագումարի ներկա են լինում առաջին անգամ: Օպերային թատրոնում տեղի ունեցած հանդիսավոր բացումից հետո նիստերը շարունակվում են ֆիլիարմոնիայի փոքր դահլիճում: Ամեն առավոտ Անյան ինձ սպասում է շքամուտքի առջև, որտեղ հավաքված հետաքրքրասերների բազմությունը ամբողջ օրը չի ցրվում՝ հուսալով որևէ կերպ հրավիրատոմս ձեռք բերել: Անյայի ու իմ հրավիրատոմսերը մշտական են, ներս ենք մտնում միասին (Նաիրին ինձնից անջատվում, գնում է ետնադռնով՝ նախագահության անդամների հետ): Ռաֆիկ Արամյանը, ըստ պայմանավորվածության, շուտ է գալիս ու մեզ համար ևս անթոռներ զբաղեցնում կենտրոնական շարքերում: Շունչներս դեռ տեղը չեկած՝ շտապում է հաղորդել, թե այդ նիստին ովքեր ինչ հարցի շուրջ են ելույթներ ունենալու: Ռաֆիկը նախապես ամեն բան գիտե, «հոտոտելով» մտնում, դուրս է գալիս ամեն ծակուծուկ, ում հետ ասես չի շփվում: Նրա հետաքրքրությունների շրջանակները շատ լայն են՝ Գրողների միությունից բացի Նկարիչների միություն, Ճարտարապետների միություն, Կոմպոզիտորների միություն: Ժամանակ է գտնում ամենուր ներկա լինել Ժողովներին, հավաքույթներին, անկեղծորեն ապրել նրանց վերաբերող խնդիրներով, ծանոթանալ ու մտերմություն հաստատել առավել տաղանդավոր նկարիչների, քանդակագործների, ճարտարապետների և երաժիշտների հետ, հրճվել նրանց հաջողություններով, տխրել ձախարհությանը:

- Էսօր Միլվային անդազահան կանեն,- մեր կողքին նստելով՝ խորհրդավոր շշմում է նա: - Աղավնին թունդ ելույթ է պատրաստել: Վարսիկից խոսք դուրս քաշեցի, խնացա:

- Է՛, Ռաֆի՛կ,- թերահավատորեն ականջը նրանից հեռացնում է Անյան՝ քաջատեղյակ Ռաֆիկի վառ երևակայությանն ու ամեն ինչ չափազանցնելու, մինչև իսկ ոգևորությունից ասու հորինելու և այդ սոփին հետո ինքն էլ հավատալու հատկությանը: - Վարսիկի բերանից խո՛սք քաշել կլինի:

Դժբախտաբար Ռաֆիկն այս անգամ ճիշտ է դուրս գալիս: Աղավնին իսկապես ելույթ է ունենում և որպես Ախմատովայի ազդեցությունը կրող ցայտուն օրինակ բերում է Միլվայի մի բանաստեղծությունը: Անյան ու ես անհանգստացած նայում ենք իրար: Մեկ, մեկուկես տարի առաջ Անյան զրադարանից վերցրեց ու Միլվային տվեց ծանոթանալու Աննա Ախմատովայի և Ռուդոլ Բիտմենի ժողովածուները: Չուր է հիմա մեղավոր զգում ի-

րեն, դրանից ավելի ճիշտ բան անել չէր կարող: Յավոք, Միլվան գրքեր քիչ է կարդում և արագ է ընկնում կարդացածի ազդեցության տակ, բայց Ադավնու մեջքերած սիրային այդ բանաստեղծությունը, ինձ հայտնի է, գրել է Ախմատովային կարդալուց շատ առաջ: Կեցցե Միլվան, ախմատովայան ուժի զգացումներ արտահայտելու օժտվածության համար:

Մտքերի փոխանակության ընթացքում դաեիլին անընդհատ ալեկոծվում է, անգուսպ ռեպլիկներ ուղղում ամբիոնից խոսողներին: Ինչպես և սպասվում էր, Ժյանովյան որոշումները (հագիվ թե՛ անկեղծ համոզվածության) կրքեր են բորբոքում, վեճերի, կռպիտ ընդհարումների տեղիք տալիս: Ինքնապաշտպանության բնագոյից դրդված, գուցե ուրիշների աչքին օրթոդոքս երևալու մղումով՝ գրողներն ու գրաքննադատները անխնա, Ռաֆիկի ասած՝ զգույն, անդազահան են անում իրար: Հատկապես ջախջախիչ քննադատության են ենթարկում արդի քնարական պոեզիան, մանավանդ երիտասարդ բանաստեղծներին: Գևորգ Էմինի «Նորք» հրաշալի ժողովածուն, Միլվայի ոչ պակաս հիացմունք պատճառող «Օրերի հետը», Մարո Մարգարյանի գողտրիկ, քնքուշ բանաստեղծությունների մի մասը և այլն: «Արա Գեղեցիկի» մասին խոսում են հարևանցիորեն: Մեմյոն Վլադիմիրովիչ Եվգենովը, որից այնքան սարսափում էր Պետրովիկը, չեմ հիշում, ելույթ առհասարակ ունենում է, թե՞ ոչ, համեմայն դեպս չի ասում այնպիսի բան, որ տպավորվի: «Արա Գեղեցիկի» փոխարեն կրակելու թիրախ են դարձնում Նաիրու «Դու ասացիր» չեմ հավատում, Ի՞նչ անեմ, որ հավատաս» բանաստեղծությունը: Ջարյանն այդ ո՞ւմ դեմ է բողոքում: Դա ամենևին էլ սիրային բանաստեղծություն չէ՝ իբր ուղղված մի կնոջ, դրա տակ թաքնված է քաղաքական լուրջ մեղադրանք՝ Խորհրդային իշխանության, մեր հարազատ կուսակցության ու մրա իմաստուն դեկալարների հասցեին, որոնք, ըստ Ջարյանի, կասկածամիտ են, չեն ուզում ըմբռնել մայրուն, կոմունիստ գրողին, իսկ նա կաշվից դուրս է գալիս՝ ապացուցելու իր նվիրվածությունն ու հավատարմությունը: Ի՞նչ են նշանակում, օրինակ, հետևյալ տողերը.

...Նվեր տված գրքի նման բաց է հոգիս քո առաջ,

Նայում ես լույ ու չես կարդում, Ի՞նչ անեմ, որ հավատաս:

Ընդհանրացնելու դեպքում ստացվում է՝ մեր խորհրդային իրականության մեջ մարդկանց նկատմամբ վստահություն, հավատ գոյություն չունեն: Ընկեր Անդրեյ Ժդանովը հենց այսպիսի երկիմաստ գործերն է համարում վնասակար, անկումային, քաղքենիական: Պատահական չէ, որ Նաիրի Ջարյանն է խմբագրել Կապուտիկյանի, Էմինի և շատ ուրիշների նման անկումային տրամադրություններին տուրք տվող բանաստեղծությունների ժողովածուները՝ առանց անհրաժեշտ խմբագրումներ կատարելու դրանց մեջ:

Գրեթե բոլոր քննադատողները խոսում են նույն ոգով:

Նաիրին, այդ գիշեր մինչև լույս նստած, գրում է հաջորդ օրվա նիստի իր ելույթը, որն առանձնապես հօգուտ իրեն որևէ փոփոխություն չի առաջացնում համագումարի պատվիրակների շրջանում:

Մտքերի փոխանակությանը մասնակցում են և մյուս քննադատված գրողները՝ Էմինը, Միլվան, Մարոն: Միլվան իր ելույթում նուրբ ձևով խայթում է Աղավնուն՝ ասելով՝ ուրիշների սիրային քնարական տողերն է քննադատում, մինչդեռ ինքը նոր սկսել է ուշացած իր կանացիությունը նրգել: Կարծես մոտավորապես այս միտքը: Աղավնին վիրավորանքը չհանդուրժեց: Ընդմիջմանը, գրոսասրահում եռ գաղով վրեժխնդրությունից, հասարակության ներկայությամբ գռեհիկ հայոյանքների մի ամբողջ հեղեղ քափեց Միլվայի գլխին: Միլվան կարողացավ զսպել իրեն, պատասխանել լոկ արհամարհական քննադատողով:

Նույնպիսի ոչ պակաս գռեհիկ, գրեթե կինտոյական ընդհարում տեղի ունեցավ համագումարի դահլիճում՝ բեմի վրա, ռեժիսոր-դերասան Արմեն Գուլակյանի և գրականագետ-թատերագետ Սուրեն Հարությունյանի միջև: Երկար ժամանակ նրանց կռիվը չէր հաջողվում դադարեցնել. հավասարակշռությունը կորցրած՝ մերթ մեկը, մերթ մյուսը կառչում էր ամբոխից և, չնայած նախագահի՝ նույնիսկ դահլիճից դուրս հրավիրելու սպառնալիքին, շարունակում «ընտիր» լուտանքներ տեղալ:

Ձրոսասրահում՝ աստիճանների գլխին, հանդիպում եմ Թամարա Դեմուրյանին, բարևում է ինձ ու խեթում խաղացկուն մի ժպիտով, որ նման է ձեռ առնելուն.

- Տեսնո՞ւմ եք, Չեզ նվիրած բանաստեղծության պատճառով Նաիրուն ինչ օրն են գցում:

- Ի՞նձ նվիրած: Թամարա՛, ես էլ, Դուք էլ շատ լավ գիտեմք՝ այդ բանաստեղծությունը Նաիրին գրել է Չեր մասին:

- Մի՞թե, - մի պահ ասես շփոթվում է Դեմուրյանը և իսկույն էլի ժպտում: Ես էլ եմ ժպտում ներողամտորեն: Չնայած կանացի իր խորամանկ սեթևեթանքներին՝ Թամարան ինձ դուր է գալիս: Ես նրան երևի՝ ոչ: Վրաս նայում է այնպես, ասես Նաիրուն ինքը մեծահոգաբար զիջել է ինձ, որովհետև իրեն այնքան էլ պետք չէր, իսկ ես բանից անտեղյակ եմ և միաստորեն հավատացած, թե նրան նվաճել եմ իմ հմայքի ուժով: Թամարան խելացի, փորձված կին է, ինչպե՞ս կարող է շոյել իրեն այն մտքով, թե ուզած պահին Նաիրուն կարելի է ետ վերադարձնել կամ վերստին զիջել մեկ ուրիշին, որ նա մերժված է իրենից, բայց ոչ հիասթափված և նոր ընտրությունը կատարել է ճարահատյալ:

Գուցե ինձ է այդպես թվում, և ես սխալվո՞ւմ եմ, գուցե Թամարան իր թողած տպավորությունից շատ ավելի բարձր մարդ է: Դրանում համոզվելու համար պետք են լինում երկար տարիներ:

Նիստերի ընդմիջումներից մեկի ժամանակ Ռաֆիկն ինձ ծանոթացնում է Բեյրութից նոր հայրենադարձված արձակագիր Գրիգոր Քեշիշյանի հետ: Միջահասակ, լայներես, մսեղ այտերով երիտասարդ է, հայացքը՝ մեղմ, ուշադիր, բարի: Ահա մինչ այդ ինձ անհայտ պոտենցիալ մի բարեկամ եւ: Չեմ կասկածում՝ մտերմանալու ենք, ընդմիջտ մնալու լավ ընկերներ: Որտեղի՞ց է այդ համոզվածությունը, սոսկ իմ ներըմբռնումի՞ց: Հետագայում՝ Նաիրու մահվանից հետո, երբ Սփյուռքի կոմիտեի մամուլի բաժնում աշխատանքի անցա, Գրիգորը (բաժնի վարիչը) խոստովանեց. այն օրերին, երկրորդ համազումարում հետս ծանոթանալիս, չգիտես ինչու, առաջին հայացքից ես իրեն թվացել էի Երևանում ապրող վաղուցվա բարեկամը: Եթե լինում է սեր՝ առաջին հայացքից, ինչո՞ւ չի կարող ծնվել նաև բարեկամություն՝ առաջին հայացքից: Ինքն ունի իր սրտի դավթարը՝ սև և սպիտակ ցուցակներով: Իմ անունը սկզբից ետք գրանցեց դավթարի սպիտակ ցուցակում: Հոգիդ լո՛ւյս դառնա, Գրիգոր՛, իմ ծանր օրերին որքա՞ն օգնեցիր ինձ քո խորհուրդներով, տղամարդկային հավասարակշռված, սառը դատողությամբ, քանի անգամ կամխեցիր հուզմունքից խուճապի ենթակա իմ արարքները:

Ռաֆիկը գոհ է մնում մեր՝ միմյանց վրա թողած տպավորությունից, Քեշիշյանին նայում է այնպես, ասես իր գյուտն է, իր հայտնագործությունը: Տրամադրությունը համագումարի օրերին առհասարակ բարձրացել է. նոր ծանոթություններ հաստատելու լայն հնարավորություններ են ստեղծվել ռուս և այլազգի ներկայացուցիչ-հյուրերի հետ: Սփյուռքից եւ մի մեծ խումբ գրողներ են եկել, որոնց անունները մինչ այդ լսած չկայինք՝ Վահե Վահյան, Գառնիկ Աղոյարյան, Գույումջյան, Միքայ, Մելյան... Ռաֆիկն իր տարերքի մեջ է, մարելով հետաքրքրասիրությունից՝ մոտենում, հարցուփորձ է անում նրանց՝ մեզ անծանոթ արտասահմանի կյանքից: Պատահական չէ, որ արագ մտերմացել է նաև հայրենադարձ երիտասարդ գրողների հետ: Ինձ թվում է՝ նրա մտքում արդեն այն ժամանակվանից խնդրվում էին ապագա «Ռուբինյան եղբայրներ» վեպի առանձին դրվագներ:

- Ա՛նժ, վատ չի գրում, գիտե՞ս, - հովանավորի դեր ստանձնողի պես ձեռքը Քեշիշյանի ուսին դնելով՝ գործվալից ասում է նրա մասին Ռաֆիկը: Բեյրութում տպագրված պատմվածքը կրեքեն, կկարդաս: Կտաս՝ Նաիրին էլ կարդա: Նաիրի Զարյանին մինչև այստեղ գալը գիտեիր, չէ՞, Գրիգոր՛:

Քեշիշյանը անորոշ ժպտում է՝ ուսը գոշությամբ ազատելով Ռաֆիկի քրտնած ափից: Ենթանկ, կիսաթև վերնաշապիկով է, մեզ արտառոց մեղ թվացող տաբատով: Որքան էլ համեստ հագնված լինեն հայրենադարձները, անմիջապես տարբերվում են՝ տեղացիներից, մույնիսկ փողոցով անցնելիս: Վայելուչ տեսք ունենալու մեր՝ հատկապես կանանց, ջանքերը, ըստ երևույթին, հաջողության չեն հասնում. շատ ենք հնաճ ու ան-

ճաշակ երևում նրանց աչքին, ես այդ գգում եմ ներողամիտ հեզմանքով մեզ զննող հայացքներից:

- Ջաղյանին կարդացել եմ: «Աբիլեսին Հոմերոս երգեց...»:

- Հէ՛, չէ՛, դա չէ՛, - շտապով ընդհատում է Քեշիշյանին Ռաֆիկը՝ ստուգող մի հայացք նետելով ինձ. հո չեմ բողոքի: - Խոսքս «Արայի» մասին է: Թե չունես, կտամ: Պահ, այ գո՛րծ: Բա ինքը, ինքը... Պետք է մոտիկից ճանաչես, որ իմամաս՝ ինչ մարդ է: Անժ, համագումարը վերջանա, Գրիգորին կբերեմ ձեզ մոտ՝ հյուրանոց: Խոստացել եմ Դեմիրճյանենց տուն էլ տանել, տեսնի՝ քիծուկն ինչպես է ջութակ նվագում:

Ասես Ռաֆիկի ցանկությունը մասամբ իրագործելու նպատակով անսպասելի տեղի է ունենում մի փոքրիկ միջադեպ՝ երկու անվանի գրողների ներկայացում խիստ բնորոշ կողմերով:

Դեմիրճյան Գրիգորը մատում է մեզ հետ՝ միևնույն շարքում, Անյայի պահած աթոռներից մեկին: Միշտ չէ, որ ելույթները հետաքրքիր են: Ռաֆիկը սիրում է կատարի «ճակատամարտեր»՝ ծանր «զոհերով», մանավանդ որ այդ զոհերի թվում ինքը չկա: Խոսողն այս անգամ չեզոք մի մարդ է, վեճերից հեռու: Օգտվելով այդ հանգամանքից՝ զրուցում ենք շշուկով, գլուխ գլխի: Ռաֆիկն ինչ-որ զվարճալի արկած է պատմում Քեշիշյանին՝ Ստեփան Ջորյանի կյանքից:

- Լսե՛ք, լսե՛ք, - թփփահացնում է մեր թիկունքին Անյան: - Հովիկ Մելիքյանը Ռաֆիկի մասին է խոսում:

Ռաֆիկը ձգվում է տեղում, վերին շրջուների ծայրն իսկույն հարցական թռչում է վեր: Ամբիոն բարձրացած «Մովսեսական գրականություն և արվեստ» ամսագրի գլխավոր խմբագիրն, իրոք, կուրծք ծեծելով փորձում է արդարանալ: Ինքը Ռաֆայել Արամյանի արատավոր պատմվածքը՝ «Ժամ քաղաքի ծայները», ամենևին մտադիր չէր տպագրել, ընկեր Դերենիկ Դեմիրճյանը միջամտեց, ասաց՝ հաջողված գործ է, ուրբանիստական...

Բեմում՝ նախագահության սեղանի մոտ նստած Դեմիրճյանը գունատվելով կտրականապես հերքում է՝ զայրության դողացող մագաղաթյա մատները թխեթխկացնելով սեղանին.

- Դը... դը... Դուք սխալվում եք, ընկե՛ր Մելիքյան, ես այդ-պիի՛սի բը... բան չեմ ասել:

Հովիկ Մելիքյանը մի պահ կարկամում է՝ շվարած հայացքը հատելով մերթ դահլիճ, մերթ նախագահության անդամներին, և արագ գտնում է իրեն.

- Ուրեմն հաշվի եմ առել Նաիրի Ջաղյանի դրական կարծիքը: Նա է ասել, որ տպեմ:

Նույնպես նախագահության անդամների միջև՝ երկրորդ շարքի ծայրում նստած Նաիրին, անակնկալի գալով, վեր է ցատկում աթոռից, ձեռքը տանում տրորելու դեմքը ու ետ քաշելով՝ բռունցք դարձրած թրատում է օդը:

- Այո՛, ես ասել եմ և պնդում եմ. այդ պատմվածքը արժանի էր տպագրության:

-Վա՛ն՛...- համակ զարմանք կտրած՝ Ռաֆիկը ետ է ընկնում մատա-
րանի թիկնակին:- Էս ի՞նչ արեց, տո՛: «Իմ քաղաքի ծայները» Նաիրին չի
էլ կարդացել, գիտե՞ք: Ես տվել էի ընկեր Դեմիրճյանին: